

Hingh'anh Ginhsiu Song Aen Yienh Haiguh Hozdung Doxgyau Vwnzva

Ndwen 12 ngoenz 16, aen heiqdaiz Gveilinz Si Hingh'anh Yen Vazgyangh Yauzcuz Yangh Yuiveij Cunh daeng ronghsagsag, gyoengq beixnuengx Yauzcuz Vazgyangh Yauzcuz Yangh ndang daenj buhvaq moqsag caj gyoengq beixnuengx Yauzcuz Ginhsiu Yauzcuz Swciyen daeuj daengz. Neix cingq banh aen hozdung Ginhsiu · Hingh'anh song dieg doxgyau feihvuzciz vwnzva yizcanj caeuq langhbaibj 《Foux Gyong Vangzniz》Ginhsiu Yauzcuz Swciyen guekgya gaep feihvuzciz vwnzva yizcanj baujhoh hanghmoeg.

Baez hozdung neix youz Gin-

siu Yauzcuz Swciyen Vwnzva Gvangjden Caeuq Lijyouzgiz、Hingh'anh Yen Vwnzva Gvangjden Dijyuz Caeuq Lijyouzgiz、Vazgyangh Yauzcuz Yangh cawjbanh, Ginhsiu Yauzcuz Swciyen Vwnzva-gvanj、Hingh'anh Yen Vwnzva-gvanj ciepbanh. Hozdung dwg vih gyalai lohnaemj, coicaenh Gveilinz Hingh'anh、Laizbinh Ginhsiu song aen yienh doxvuenh haiguh baujhoh guekgya gaep feihvuzciz vwnzva yizcanj caeuq doxhag gij gingniemh guhhong “feihyiz+lijyouz”.

(Bangz Yaujvaz Gungh Hinghvaz Vangz Danhniz/庞晓华 龚兴华 王丹妮)

► Beixnuengx song dieg caemh ciengq 《Gou Caeuq Guekcoj Gou》.



▲Bouxbienj cingq ciengqago.

Lauxsae Hagseng Denzyangz Yawjngonz Gvangj-sih Gauhyaj Yisuz Haeuj Hagdangz Hozdung

Ndwen 12 ngoenz 19 banhaemh, Denzyangz Yen baenz cien boux lauxsae hagseng caeuq gyoengq bouxyaez ciengqgo comz youq aen dalijdangz Aen Cungsim Vwnzva Baeuqroxdoh, yawjngonz aen hoih ciengqgo cienciengz Baksak Si Denzyangz Yen Gvangjsih bi 2019 gauhyaj yisuz haeuj hagdangz hozdung, hozdung dwg Swcigih Gyauyuzdingh cujciz banh, Gvangjsih Yisuz Yozyen aen duenz habciengq bae yienj.

Ciuq cam rox, vih caenh'itboub fungfouq hagdangz vwnzva, daezsang lauxsae hagseng yisuz siuhyangj, mboengqneix, Swcigih Gyauyuzdingh cujciz Gvangjsih Yisuz Yozyen caeuq Gvangjsih Yenji Cizdonz Mizhanh Cwzyin Gunghswh gyauhyangjyozdonz bae gak dieg haiguh bi 2019 gauhyaj yisuz haeuj hagdangz hozdung. Haemhhaenx youq Denzyangz Yen yienjok, cezmuz miz cabsing habciengq、gagciengq song cungj ciengqgo, diuzgo miz 《Mbouj Lumz Goeknduj》《Henhoh Vangzhoh》《Roeggacak Douh Nga》daengj 14 diuz, hawj gyoengq lauxsae hagseng caeuq bouxyaez ciengqgo ndaej yawj ciengz heiq ndei ndeu, yienjok yienhciengz ndaej daengz gyoengq bouxyawj dopfwngz haenh.

(Vangz Gozsun Vuj Vwnzdonh/黄国顺 伍文端)

Sanhgyangh:

Citheiq Haeuj Hagdangz Lwgnyez Mbanjdung Angq

Ndwen 12 ngoenz 19, bi 2019 “aen loqsiengj Cungguek raeuz”——vwnzva haeuj fanh ranz baenzroix hozdung citheiq haeuj hagdangz 《Heiqgveiq Dangzgoq Hung》beizyin-banh bae daengz Sanhgyangh Duncuz Swciyen Gujyiz Cin Cungsim Hagdangz, hozdung dwg Liujcouh Si Ginzung Yisuzgvanj daiqdaeuz guh, beizyin lauxsae doenggvaq gaisau gij ciengzsik Heiqgveiq hawj hagseng caeuq son hagseng veh doznaj daengj hingzsik, hawj lwghag Mbanjdung depgyawj roxnyinh gij yinxdaeuz citheiq.

(Gungh Bujangh/龚普康)



▲Lauxsae song hagseng veh doznaj.

Nanzningz Si Sinhgingh Minzcuz Hagdangz Banh Aen Yindungvei Mizyinx



▲Hagseng guh sam vunz haizgiegraez doxdax.

Ndwen 12 ngoenz 20, Nanzningz Si Sinhgingh Minzcuz Hagdangz banh aen yindungvei mizyinx angqcoux bimoq.

Vih fungfouq gij ndwen-ngoenz vwnzva hagdangz, hanghmoeg baez doxdax neix faen nienzgaep guh, laeb miz 8 aen cizdij doxdax hanghmoeg, faenbied dwg it daengz sam nienzgaep hanghmoeg: Daenj buhcej baedauq buet doxciep、ciengj ndaem ciengj sou、doxgap daeh giuz、duzbaeu doxdax buet. Seiq daengz gouj nienzgaep hanghmoeg: Sam vunz haizgiegraez, noudaeh diuq、duzbaeu aemq gvehoengz、bengcag.

(Luz Veijbingz)